

Roberto Varela Gestal, con NIF 32.790.604-X, secretario nacional da CIG-Autónoma, co enderezo válido para os efectos de notificacións indicado na cabeceira deste escrito e no enderezo de correo electrónico autonomica@cigadmon.org, en nome e representación desta organización sindical ante a Mesa Xeral de Negociación de Empregados Públicos,

MANIFESTO

A miña oposición á inclusión na Orde do día da referida Mesa Xeral convocada para o día 1 de decembro de 2015, do punto quinto, *"Proposta de modificación da relación de postos de traballo da Consellería de Sanidade e do Servizo Galego de Saúde (Sergas) derivada da creación da Axencia galega para a xestión do coñecemento en saúde e da creación da Axencia galega de sangue, órganos e tecidos"*, en base aos seguintes motivos:

O mércores 25 de novembro, ás 14:01, foi enviada convocatoria e documentación para unha xuntanza co Director Xeral da Función Pública na que xunto con outros asuntos, incluíase a referida relación de postos de traballo. Recibida a convocatoria ao final da mañá do mércores 25, e coñecedora a Administración que estaba convocada para o día seguinte, xoves 26, unha manifestación á que acudiríamos as catro organizacións sindicais presentes na Mesa Xeral, a xuntanza foi o venres 27. Xa que logo, acudimos coa deficiente documentación insuficientemente estudada.

Na xuntanza co Director Xeral de Función Pública do venres 27 manifestamos o noso desacordo por non ser convocados a negociar a RPT coa consellería de Sanidade, como é práctica habitual en todas as consellerías. Xustifica o Director que asume a negociación por ser algo de mero trámite consecuencia da asignación de efectivos pola creación das dúas axencias, sen maior trascendencia. Xa na xuntanza manifestamos que, sen afondar, observamos postos a amortizar e cambios nas características de algún.

O venres 27 recibimos convocatoria e documentación para a Mesa Xeral, incluíndo esta modificación da RPT na Orde do día. O luns 30 de novembro, ás 12:08, achegan dende Función Pública nova documentación que substitúe a recibida anteriormente pola RPT de Sanidade, para ser negociado na Mesa Xeral do día seguinte ás 11h. Non media, xa que logo, nen sequera 24 horas dende a recepción da nova documentación, polo que resulta imposible podelo estudar en condicións tendo en conta que non é o único punto na Orde do día.

Nunha lectura rápida observamos, por exemplo, que presentan a amortización de tres postos de "farmacéutico inspector de saúde pública". Somos coñecedores de que en días previos houbo xuntanzas entre representantes de funcionarios desta escala e representantes da Administración, para tratar entre outros o nivel dos farmacéuticos inspectores. A CIG, sendo requerida a súa presenza nas negociacións tanto por afiliados da nosa organización sindical como por traballadores afectados, denuncia que foi excluída das negociacións e impedida a representación que ten consecuencia das eleccións sindicais.

Aparecendo na modificación da RPT de Sanidade algún aspecto vinculado cos farmacéuticos inspectores de saúde pública, non aceptamos que se despache este asunto nunha Mesa Xeral sen máis trámite.

Por todo o exposto,

Fago constar que a inclusión da proposta de modificación da RPT de Sanidade na Orde do día, podería ser contraria aos principios de boa fe negocial, publicidade e transparencia, así como á obriga de proporcionarse mutuamente a información que precisamos, establecidos no artigo 149 da Lei do Emprego Público de Galiza. Xa que logo, solicito a retirada do punto na Orde do día.

Compostela, 1 de decembro de 2015



PRESIDENTE DA MESA XERAL DE NEGOCIACIÓN DE EMPREGADOS PÚBLICOS

Recibido
1/12/2015
Jefe de Gabinete
Administración Xeral de Exe R244

